

МОНГОЛ УЛСЫН ХУУЛЬ

2025 оны ... дугаар
сарын ...-ны өдөр

Улаанбаатар
хот

**ГААЛИЙН ТУХАЙ ХУУЛЬД НЭМЭЛТ,
ӨӨРЧЛӨЛТ ОРУУЛАХ ТУХАЙ**

1 дүгээр зүйл. Гаалийн тухай хуульд доор дурдсан агуулгатай дараах зүйл, заалт нэмсүгэй:

1/29 дүгээр зүйлийн 29.1.9, 29.1.10 дахь заалт:

“29.1.9.олон улсын гэрээ, хэлэлцээрт заасан түргэвчилсэн горимд хамаарах бараа;

29.1.10.итгэмжлэгдсэн аж ахуйн нэгжийн бараа.”

2/30¹ дүгээр зүйл:

“30¹ дүгээр зүйл.Итгэмжлэгдсэн аж ахуйн нэгж

30¹.1.Гаалийн хууль тогтоомжид заасан шалгуурыг хангасан хуулийн этгээд гаалийн байгууллагад итгэмжлэл авах хүсэлтийг бичгээр, эсхүл цахимаар гаргана.

30¹.2.Итгэмжлэгдсэн аж ахуйн нэгжид гаалийн байгууллага дараах хөнгөлөлт эдлүүлнэ:

30¹.2.1.гаалийн хяналт, бүрдүүлэлтийн үйл ажиллагааг хялбарчлах, түргэвчлэхэд чиглэсэн үйл ажиллагаа;

30¹.2.2.гадаад худалдааны үйл ажиллагааг хөнгөвчлөхөд чиглэсэн үйл ажиллагаа;

30¹.2.3.гаалийн шалгалтыг итгэмжлэгдсэн этгээдийн өөрийн байр, агуулах, талбайд хийх;

30¹.2.4.тодорхой тохиолдолд бичиг баримтын болон бараа, тээврийн хэрэгсэлд хийх шалгалтаас чөлөөлөх;

30¹.2.5.гаалийн болон бусад татвар төлөх хугацааг сунгах;

30¹.2.6.гаалийн байгууллагаас холбогдох хууль тогтоомж, дүрэм, журам, стандарт, олон улсын шилдэг туршлагын талаарх мэдээллийг хүргүүлэх;

30¹.2.7.итгэмжлэгдсэн хуулийн этгээдийн талаар олон нийтэд найдвартай, аюулгүй худалдааны түншээр сурталчлах;

30¹.2.8.харилцан хүлээн зөвшөөрөх хэлэлцээр байгуулсан улсад хөнгөлөлт эдлэх;

30¹.2.9.барааг гаалийн байгууллагад мэдүүлэхэд хөнгөвчлөх;

30¹.2.10.өөрийн талбайд зарим барааны лац, ломбыг авах, тэмдэглэгээ хийх ажиллагааг гаалийн байгууллагын хяналтгүй гүйцэтгэж болно.

30¹.3.Гаалийн байгууллагаас гаалийн итгэмжлэгдсэн хуулийн этгээдийн үйл ажиллагаанд хяналт-шинжилгээ, үнэлгээ хийнэ.”

3/268¹ дүгээр зүйлийн 268¹.1.16, 268¹.1.17 дахь заалт:

“268¹.1.16.экспортын барааны гарал үүслийг гэрчлэх;

268¹.1.17.бусад орны гаалийн байгууллагатай итгэмжлэгдсэн аж ахуйн нэгжийн итгэмжлэлийг харилцан хүлээн зөвшөөрөх гэрээ, хэлэлцээр байгуулж хамтран ажиллах.”

2 дугаар зүйл.Гаалийн тухай хуулийн 27 дугаар зүйлийн 27.3 дахь хэсгийн “байгуулж болно.” гэснийг “, мэдээлэл, бичиг баримтыг цахимаар солилцож болно.” гэж өөрчилсүгэй.

3 дугаар зүйл.Гаалийн тухай хуулийн 27 дугаар зүйлийн 27.7 дахь хэсгийг хүчингүй болсонд тооцсугай.

Гарын үсэг